



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKO VIJEĆE

**ODLUKA O IZMJENAMA I DOPUNAMA ODLUKE O
IZVRŠAVANJU BUDŽETA
OPĆINE CENTAR SARAJEVO ZA 2017. GODINU**

Sarajevo, maj 2017. godine

Na osnovu člana 46. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16), i člana. 10. i 68. Statuta Općine Centar Sarajevo – prečišćeni tekst ("Službene novine Kantona Sarajevo", broj 23/04), Općinsko vijeće Općine Centar Sarajevo je na 10 redovnoj sjednici održanoj dana 15. 05. 2017 godine donijelo

ODLUKU O IZMJENAMA I DOPUNAMA ODLUKE O IZVRŠAVANJU BUDŽETA OPĆINE CENTAR SARAJEVO ZA 2017. GODINU

Član 1.

U Odluci o izvršavanju Budžeta Općine Centar Sarajevo za 2017. godinu ("Službene novine Kantona Sarajevo", broj 11/17) u članu 8. iza riječi „Kolektivnim ugovorom“ dodaju se riječi: „Sporazumom o utvrđivanju osnovice za obračun plaća (broj 01-IV-51-I/16 od 19.12.2016. godine“.

Član 2.

U članu 10. iza stava 4. dodaje se novi stav koji glasi:
„Transfer za obuku informatičkih programera realizuje se na osnovu javnog poziva kandidatima te izborom edukacijske kuće putem Službe za privredu i lokalno ekonomski razvoj“.

Član 3.

U članu 11. iza stava 10. dodaje se novi stav koji glasi:
„Sredstva transfera za podršku stambenom zbrinjavanju mladih putem ostvarivanja prava na subvenciju plaćenog poreza na promet nepokretnosti ostvaruje se na osnovu javnog poziva i utvrđenih kriterija putem Službe za stambene poslove“.

Dosadašnji stav 11. postaje stav 12.

Član 4.

U članu 14. iza stava 1. dodaj se novi stav koji glasi:

„Sredstva za podršku privrednim subjektima putem regresiranja dijela kamatne stope i sredstva za sufinansiranje troškova doprinosa i poreza za godinu dana kao poticaj za zapošljavanje mladih putem kredibilnih poslodavaca sa područja općine Centar realizuju se na osnovu javnog poziva privrednim subjektima putem Službe za privredu i lokalno ekonomski razvoj“.

Dosadašnji stav 2. postaje stav 3.

Član 5.

U članu 17. U stavu 1. dodaje se nova alineja koja glasi:

- „transfer obrtnicima za nabavku opreme u skladu sa javnim pozivom obrtnicima putem Službe za privredu i lokalno ekonomski razvoj“

Član 6.

U članu 20. stav 5. briše se.

Dosadašnji stav 6. postaje stav 5.

Član 7.

U članu 21. u stavu 1. alineja 2 briše se.

Član 8.

Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj: 01-14-2124/17
Sarajevo, 15.05.2017.

Predsjedavajuća Općinskog vijeća Centar
Sarajevo

Karolina Karačić

Odluka je objavljena na Oglasnoj ploči Općine Centar Sarajevo dana 19.05.2017. godine.